



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„ზაკავკაზსკაია რეი“

„ზაკავკაზსკაია რეი“, რუსულენოვანი ყოველდღიური საზოგადოებრივ-პოლიტიკური და სალიტერატურო გაზეთი. გამოდიოდა 1910-16 თბილისში. რედაქტორები: გ. ფალავანდოვი (1910-12), დ. დუმბაძე, კ. თუმანოვი (1912-16); გამომცემელი - ე. გორდელაძე. დაარსდა ორი რედაქციის: „ნოვია რეის“ და „ზაკავკაზსკოე ობოზრენიეს“ გაერთიანების შედეგად. 1914 კავკასიაში გამომავალი რუსულენოვანი პერიოდული ორგანოების სიაში, რ-იც თბილ. ბეჭდვითი სიტყვის კომიტეტმა შეადგინა, „ზ. რ.“ ცენზურის თვალსაზრისით მიჩნეული იყო არასაიმედო გამოცემად; 1916 წ. 23 იანვრის ნომერი (№18) დააპატიმრეს, ამავე წელს შეწყდა კიდევ მისი გამოცემა, რაც დაკავშირებული იყო საცენზურო კომიტეტის რეორგანიზაციასა და თბილისში პერიოდულ გამოცემათა ერთი ჯგუფის გაუქმებასთან.

ლიტ.: ა ნ ა ნ ი ა შ ვ ი ლ ი ნ., გაზეთი „ზაკავკაზსკაია რეი“ (1910-16 წწ.), «მაცნე». ენისა და ლიტ. სერია, 1992, №1.

ნ. ანანიაშვილი
